



¡Eymi zuguyaymi, inche zuguan! Awkantun ka kimkantun zuguel

Chumgechi ta kuzawgeafuy pu reñma mew ñi kintukuel we ka ayiwün zugu



Chumgechi kim zuguy pu pichi wentxu ka pu pichi zomo

Pu püchike zomo ka püchike wentxu günezuamkülekeygün fillke zugu mew allkütukelu egün Wall mew ka ti zugu nentukelu pu che azülkülelu. Yeqlu egün günezuamkeygün ta zugun, fey azümkaleygün ñi kintun, witan mew, güman mew, fey ñochike chi kimkatukeygün ñi zoy zugual, fey wiñotukeygün ramtun, feyentukeygün eluen mew kiñe zugu, azümkakeygün fillke zugu, ka kimkeygün kom chemkün ñi kishu üytulen egü.

Müley ñi küme günezumael kom pu pichike zomo ka pichi wentxu, fey kiñe egün ka zoy gelay fey mew, fey kishu Kimi ka txemi kisu ñi pepilukawün mew.

Chumgelu rume fali ñi kimeltugeal zuguel ta pu pichike zomo ka pichike wentxu?

Zuguan ta che keyufi ñi kiñen txür txemüalu pu pichike zomo ka pichike wentxu, femgechi kimuwi kakelu mew ka az mogen mew, femgechi azümkay kishu ñi mogen mew.

Zugun mew pu pichike zomo ka pichike wentxu feypikeygün chem zuam niekeygün, chem zuamtuleygün, chem rakizuamkülekeygün, feypikeygün chem ayikeygün, ka femgechi amulerpuygün ñi zugun egün kom zugu kishukentu, ka anthü kizu ñi amulerpuan ñi mogen.

Chumgechi ta keyugekey ta pu pichike zomo ka pichike wentxu awkantun mew ka entunmew fillke zugu fillanthu mew?

- Elunieafimi ta pichi zomo kam pichi wentxu fillke awkantun, allkütuaufimi, ka elunieafimi kake puche mew nütxamkayalu.
- Rume küme allkütuaufimi ti pichi zomo kam pichi wentxu, femgechi küme wiñoltuaufimi zugu, ta ñi küme kimelpurnieal ta zuguwün.
- Newentuzugun mew üytuaufimi kom chemkün nüwlu ti pichi zomo ka pichi wentxu ñi ruka mew, chem awkantupeyüm mew, chem mülen ñi umawtuwe mew, chem azümkalu iyael mew. Üytuaufimün chumgen ka chem az nien fillke chemkün, chem kolotun, chem az, chumgechi gen, kom feychi zugu.
- Úlkantuaufimi fillke pichike che ñi ül ülknukelu ñi mapu mew. Allkütuaufimi ayekan zugu, chew ñi zoy küme rulpayael ñi zugun. Feyta mew ka mülekey kiñeke “enlace” ka “código QR” pigechi zugu mew, fey peaymi fey tac hi zugu.
- Útufige ka feypianieafimi chem zugu ñi nentuel chi pichi wentxu ka pichi zomo fillanthü mew, welu llaskülayafimi pepi nentun mew kiñe

zugu kam küme rulpanule kiñe txoy zugu: femle feyta, wiñoltuafimi ñochikechi ti txoy zugu chumgechi zoy küme rupalgekey, feyta femgechi reke: “Eluen ti rofuwe”, tukuaymi ta mi wesakelu”, “chem iyael ipeymi fachantü”.

- Newentuazuguafimi üytuam wek txoy zugu ti pu pichike zomo ka ti pu pichi wentxu, kom feyti txoy mülelu ñi pu reñma mew, ka ti txoy txipalu pu zugu feyta chi az mapu chile pigelu.
Feyta reke, üytuael chem müley wallontu az mapu mew, chem mülen mapu mew, chem zugu ñi azkintuken wall mapu mew, kom ayekan zugu txipakelu az mapu mew, ka kom zugu txipalu waria mew, kom feychi zugu.
- Amun mew kiñe rupü, kam petu ügüm mew feypiafimi ti pichi zomo ka pichi wentxu awkantual kiñeke txoy zugu, küme txiparpuael, feyta ñi kisu azümkaael ti wiñolzugun, feyta reke: “Mülekefuy kiñe zewü, feyta ikey ta...!(melón, pimentón, limón, ka ke zugun).
- Awkantunieafimi fillke azümkan mülelu mogen mew, feyta reke:”inche, peg, inche peg kiñe chem, yitulu “M” nemüh (winkazugun mew mamadera, manzana, mesa, muñeca, kake zugun).
- Elunieafimi chemkün ti pichi wentxu ka ti pichi zomo, fillke wirintukun, chilkatuam, leliam ka azentuam kuyiñ, üñüm, konew, ka filke zugu.
- Feipinieafimi ti pichi zomo ka ti pichi wentxu ñi faliken chilkantun, ka wirikantun ta iñ mogen mew, fey mew üytugekey ta fill rupü, ta ñi kimeltuleal kom weke fill zugu.

- Chilkantuafimi fillke epew ti pichi wentxu ka pichi zomo, müley ñi rakizuamal chem ta feypiy ti zugu, fey azentuafimi ti kolotun, ¿chem zugu chi txipayalu feyta chi epew mew?¿chem pileymi chi rupayalu feyta chi nütgam mew?
- Txipalmi ti pichi wentxu kam ti pichi zomo egün awkantuaniefaimi fillke txoy zugu mülelu wallontu mew, pu üytupeyüm mew, fillke chilka mew (carteles, anuncios, afiches, boletas) ka femgechi chem üy yeniey ti rüpü, pu txawünpelu chi che, chem üy nielu chew ñi gillakageken, fillke txoy zugu mew.
- Kintuafimi chem pilen kiñe txoy zugu, weke nümüh allkütukelu, femgechi kom konay chem pilen ti txoy zugu.
- Magelnieafimi ti pichi zomo ka pichi wentxu ñi wirintukunuam ñi üy, ka ñi üy ñi pu reñama, ka ñi pu wenüy, fey kiñe magel zugu puwul txipantu mew. Adkintun mew kiñe “foto” wirintuayfimi furi püle pu üy ta che txipalu fey ti mu, kiñe chilkan zugu ñi pu reñma mew, kiñe mageluwün ñi pu wenüy. Femgechi filke zugu.



Feyta mew koneltuaymi fillke “enlaces” ka “codigos QR” pigechi zugu, feyta peaymi fillke zugu keyuntukualu mew:

(recursos disponibles en español)



Colección Mi memoria:

Libros, canciones y videos de Mi memoria

<https://www.integra.cl/mi-memoria/>



Videos cuenta cuentos

<https://www.integra.cl/familias/cuentacuentos/>





www.integra.cl